

Канон преподобному

Андрею иконописцу

Память празднуем 4 (17) июля

Тропарь, глас 3-й

Божественнаго свѣта лучами облистѣемый, преподобне Андрее, Христа познал еси, Божию Премудрость и Силу, и иконою Святыя Троицы всему миру проповѣдал еси Единство во Святей Троице, мы же со удивлением и радостію вопіем ти: имей дерзновение ко Пресвятей Троице, моли просветити души наша.

Канон, глас 4-й

Песнь 1

Ирмос: Поём песнь побѣдную Единому Богу, сотворшему преславная: древле бо фараона со всеобинством в море погрузи.

Припев: Преподобне отче наш Андрее, моли Бога о нас.

Приидите, вернии, со преподобным Андреем песнь побѣдную воспойм и возславим Пресвятую Троицу, Отца и Сына и Святаго Духа.

Преподобне отче наш Андрее, моли Бога о нас.

К Преподобному Сергию, якоже достойный ученик, блаженне Андрее, притекл еси, и чрез того Святым Духом наставлен был еси, и вкупе с богоносными Сергием и Никонем, трие прославили Троицу во Единице.

Преподобне отче наш Андрее, моли Бога о нас.

Сергия великаго достойне прославил еси, яко учителя Пресвятыя Троицы, емуже усердно подражал еси, и нас научаеши достойно поклонятися Единому Богу, в Трех Лицах нераздельно Сущему, Сотворшему Небо и землю.

Преподобне отче наш Андрее, моли Бога о нас.

Дар художества от Бога имея и красоту церковную от юности возлюбив, во обитель Спасову, яже на Яузе реце, притекл еси, Андрее блаженне, идеже от преподобнаго Андроника к Горней красоте и житию Ангельскому наставлен быв, весь мир чудными образы просвещаети.

Слава: Сергием богомудрым научен, древним богословом подобен явился еси, преподобне Андрее, и яко тии словом, тако ты иконою догмат Троицы проповѣдал еси в русской земли, и ныне исповедати сей всех научаеши.

И ныне: Радуйся, Богородице Дево, радуйся, Владычице мира, в Тя бо вселися Един от Святыя Троицы, сего ради имаши силу спасати погибающих, спаси рабы Твоя, молящаяся Тебе.

Песнь 3

Ирмос: Утвердися сердце мое в Господе, вознесся рог мой в Бозе моем, яко несть свят, паче Тебе, Господи.

Преподобне отче наш Андрее, моли Бога о нас.

Сърдце твоё утвердил еси в Господе, отче преподобне, и душу очистил еси покаянием, тело же предал пощению и трудом и обитель Пресвятыя Троицы явился еси, Юже моли о спасении душ наших.

Преподобне отче наш Андрее, моли Бога о нас.

Возлюбил еси Господа всем сердцем, досточудне Андрее, и любовь на враги вооружился еси, всех желая обрести Пресвятей Троице, и всех зовещи Господа возлюбити любовью неутолимою.

Преподобне отче наш Андрее, моли Бога о нас.

Верую сердце утвердил еси неизбежно в Господе, и славу Небесную созерцал еси сердечными очима, и благодатию Духа Святаго показуеши в вещественных образах невестственная, да и мы ныне пробудимся от сна греховного и узрим свет Истинный.

Слава: Возвеселился еси всем сердцем о Господе, и по всей земли прославил еси в совершенных образах Победителя смерти, и ныне пребываеши в непрестанней радости, восходя от славы к славе, и воспеваеши со Ангелы Пресвятую Троицу.

И ныне: О Божественного промысления несказанного! От земных явилася еси, Пресвятая Дево Богородице, и соделалася еси мира Владычица, Мати Ипостасного Слова, Егоже моли, Заступнице, о спасении Нашем.

Господи, помилуй (трижды).

Седален, глас 8-й

Ангельский образ прияв, образ и подобие Творца Ангельским житием в себе возставил еси, и во образе вещественном Образ Первообразного начертал еси, преподобне, и к истинному богоподобию указуеши путь.

Слава, и ныне: Непрестанно и радостно прославляет Тя Церковь, Пресвятая Владычице, чудотворными бо образы Твоими мир просвещаеши и милости великия всегда изливаеши к Тебе притекающим с верою.

Песнь 4

Ирмос: Вознесена Ты видевши Церковь на Кресте, Солнце Праведное, ста в чине своём, достойно зываючи: слава силе Твоей, Господи.

Преподобне отче наш Андрее, моли Бога о нас.

Подвигом таинственно стяжал еси в Церкви пребывание, учением её следуя, преподобне, и, уставы Святыя Церкви исполняя, образы начертал еси священныя, ихже почитающе, вопием: слава силе Твоей, Господи.

Преподобне отче наш Андрее, моли Бога о нас.

Учение отцев Церкви ревностно исполнил еси, преподобне, волю бо свою отсек, не своя измышления, но тех видения начертал еси, смирением же в меру достигнув, Церкви свидетельство утвердил еси, зовый: слава силе Твоей, Господи.

Преподобне отче наш Андрее, моли Бога о нас.

Крест Христов, Иже есть любовь Пресвятыя Троицы, прославил еси, преподобне, Крест, Церкви утверждение, возлюбил еси, путём Крестным шествовав, сему поклоняться всех зовещи, поя: слава силе Твоей, Господи.

Слава: Верую Христа в сердце вселив, блаженне Андрее, со всеми святыми постигл еси, что есть широта и долготы, глубина и высота Святыя Церкви, и иконами показуеши тайны Царствия Небесного, глаголя: слава силе Твоей, Господи.

И ныне: Вознесена видящи, Богородице, на Кресте, Сына и Творца Твоего, оружием в сердце уязвлена была еси, Страстем Крестным Сына Твоего состраждущи, но неизреченную познала еси радость в Воскресении Его и славною силою Христовою спасаеши Тебе молящихся.

Песнь 5

Ирмос: От света пресекий первородный грех, яко во свете дела поют Тя, Христе, Содетеля, во Свете Твоем пути наша направи.

Преподобне отче наш Андрее, моли Бога о нас.

Сергием великим водимь, преподобне, к Трисиянному Свету пришед и Сим облистаемь, прославил еси Трисветлое Солнце, Творца и Бога, создавшего вся.

Преподобне отче наш Андрее, моли Бога о нас.

Великия благодати сподобился еси, преподобне, умом вознесыйся к невестственному и божественному свету Пресвятыя Троицы. Сей свет видеша апостоли на Фаворе, Афонстии же отцы со святым Григорием исповедаша яко нетварную силу Божию.

Преподобне отче наш Андрее, моли Бога о нас.

По блаженнем созерцании образа неизреченную красоту первообраза во свете Своем откры ти Господь, блаженне отче, и нас учиши честь и поклонение воздавати, не вещь почитая, но первообразную красоту.

Слава: Изреченнаго и Божественнаго Первообраза свет и блистание отчасти показуеши, преподобне, в начертаном подобии, на негоже взирающие с молитвою дух ведения почерпают.

И ныне: Отчее Сияние пройде чрез Тя, Владычице, и, плоть от Тебе восприявше, световидно Тя преобразит, яко превышши еси Чинов Ангельских и всякия твари.

Песнь 6

Ирмос: Пожру Ти со гласом хваления, Господи, Церковь вопиет Ти, от бесовския крове очищися ради милости от ребр Твоих истекшею Кровию.

Преподобне отче наш Андрее, моли Бога о нас.

Толику добродетель и толико тщание о постничестве и иночестем жителстве имея, преподобне, яко точною в Божественней любви преуспевати, в земных николиже упражнятися, сего ради прославлен еси от Господа.

Преподобне отче наш Андрее, моли Бога о нас.

Имя твое и подвиги возжелал еси утайти смиренномудрия ради, отче Андрее. Видяй же тайное, яве прослави тя пред Ангелы и человеки.

Преподобне отче наш Андрее, моли Бога о нас.

Вселенную всю удивил еси, преподобне, возсиял бо еси в страждущей земли Российстей, от множества враг боримей, и тако возмогл еси миру всему право проповедати Пресвятую Троицу.

Слава: Дивныя Своя судьбы на Тебе яви Господь, пред Нимже тысяща лет, яко день един, избра ты в древния веки, прославити же восхотел в конце времен, во утверждение Церкви.

И ныне: Славнейшая без сравнения горних воинств, в Церкви, яже есть Тело Христово, в неизследимей глубине и средоточии пребываеши, плоть Твою Христу

заимодávшая, моли́ Сы́на Твоего́ поми́ловати нас.

Господи, помилуй (трижды). Слава, и ныне:

Кондак, глас 8-й

От юности к Божественней красоте устремляясь, чудный иконописец в земли Российской был еси, и, богоносным твоим учителем поревновав, сиянием добродетелей украсился еси, преподобне Андрее, темже и явися Церкви нашея похвала и радование.

Икос

Паче меры всякия благодать даровася ти, преблаженне отче, святыя иконы писати, наипаче же образ Пресвятыя Троицы; Бога миру проповедуя, Бога Отца, Бога Сына, Бога Духа Святаго, Иже есть Единое Существо в Трех Ипостасех, Единое Естество в Трех Лицах, и Единая Премудрость, и Единая Сила, Единое хотение, и Единое Божество. Темже и явися Церкви нашея похвала и радование.

Песнь 7

Ирмос: Образу златому не поклонившися, отроцы авраамстии искушавхуся, яко злато в горниле, в пещи огненной, яко в чертозе светлом, ликовавху, поюще: благословен еси, Боже отец наших.

Преподобне отче наш Андрее, моли Бога о нас.

Огнем вещественным искушаеми в пещи, трие отроцы прообразиша некогда Святыю Троицу, ты же, преподобне, огнем Духа Святаго просвещаемь, нам показал еси образ Пресвятыя Троицы, да поем: благословен еси, Боже отец наших.

Преподобне отче наш Андрее, моли Бога о нас.

Истукана златаго посрамиша трие отроцы в Вавилоне, яко мертва, ты же, преподобне, учению Церкви последуя, образы свидетельствуеша о Жизнодавце, Слове Воплощеннем, да вопием: благословен еси, Боже отец наших.

Преподобне отче наш Андрее, моли Бога о нас.

Подвиги различными искушен быв, яко злато в горниле, преподобне, ныне в чертозах светлых Отца Небеснаго ликуеша, зывая: благословен еси, Боже отец наших.

Слава: В световидных твоих образах явил еси, преподобне, неизглаголаннми дыханьми Духа путь к Богу, да им шествующе, глаголем: благословен еси, Боже отец наших.

И ныне: Светлый чертог непрестанного веселия являеши, Царице и Владычице, яко Тобою избавляемь адския пещи огненные, и Твоему образу кланяющемся, поем: благословен еси, Боже отец наших.

Песнь 8

Ирмос: Во огни пламеннем предстоят Тебе Херувими, Серафими, Господи, и вся тварь песнь Тебе поет красную: пойте, благословите, людие, превозносите Христа, Единого Содетеля, во вся веки.

Преподобне отче наш Андрее, моли Бога о нас.

Подвиги видящи твоя, преподобне, радуется о тебе Церковь, вкупе и дивится: како приблизился еси ко огню Пресущественныя Троицы, Еяже трепещут Силы

Ангельския, и не опалился еси.

Преподобне отче наш Андрее, моли Бога о нас.

Господа и святых Его лики живописуя, подвигом оных усердно подражал еси, преподобне, пламенем непрестанных молитвы сердечных сонмища помыслов злых попалил еси.

Преподобне отче наш Андрее, моли Бога о нас.

Архангели, Ангели и вся Небесныя Силы таинственно и со страхом прославляют Господа непрестанными гласы, ихже показал еси, яко воочию виде, сам быв земный Ангел, ныне же с ними предстоиши у Престола Святыя Троицы.

Слава: Апостоли, пророцы, святителие, мученицы, преподобнии и вси святии непрестанно прославляют Господа священными песнопеньми, ихже славу явил еси во святых твоих образах, сам быв небесный человек, ныне же с ними предстоиши у Престола Святыя Троицы.

И ныне: Яко во огонь вошла еси, Пресвятая Дево, егда изволи вселитися в Тя Слово Ипостасное, Имже обожена и преображена и тако на Небеса прията, мира не оставила еси.

Песнь 9

Ирмос: Тя, яко село Пречистаго Слова, и приятелище Духа, и благоволения делателище поем, в Тебе бо соизменение спасения нашего соделася.

Преподобне отче наш Андрее, моли Бога о нас.

Дадеса ти благодать, преподобне, образ написати Пресвятыя Троицы в Божественном и царstem и ангельstem подобии, показуя господственное и державное, безначальное и безконечное, яко предаша ти святии отцы.

Преподобне отче наш Андрее, моли Бога о нас.

Дивный образ Пресвятыя Троицы начертал еси Андрее преподобне, от вечнога сего зрака ум наш и мысль вознося к Божественному, не вещь убо чтим, но Святую Троицу, честь бо, иконе воздаваемая, на первообразное восходит.

Преподобне отче наш Андрее, моли Бога о нас.

Дух Святой води твоима рукама, преподобне, егда писал еси образ Пресвятыя Троицы, в немже веру в Троицаго Бога показуеши.

Преподобне отче наш Андрее, моли Бога о нас.

Явился еси во славе, чудне Андрее, Даниилу спостнику твоему, на одре смертнем лежащу, в селения Горняя сего призывая воспети Святую Троицу, Юже на земли иконописанием прославил еси.

Слава: Славы ради Пресвятая Троицы, Еяже образ, преподобне, начертал еси, Трисвятая песнь Пресвятей и Единосущней и Животворящей Троице на земли приносится: Свят, Свят, Свят Господь Саваоф, исполнь Небо и земля славы Твоея.

И ныне: Неизреченное есть благоволение Пресвятыя Троицы к Тебе, Богородице, введением бо Твоим во Святаю Святых величие Твое преднаписася, волею Отца, приятием Святаго Духа, вселением Сына Святаю Святых Церкви Христовы быти сподобилася еси.